

禹貢匯疏

禹貢滙疏卷一

吳興茅瑞徵纂并箋

男胤京
胤武

夏書

〔疏〕治水是堯末時事禹得王天下以是功故以爲
夏書之首 金氏曰禹貢敘水土在唐虞之際禹
謨序功謨在有虞之時舊皆名夏書以夏史之所
述也夫子定書升禹謨于虞書以著三聖相傳之
道冠禹貢于夏書以明大禹有天下之本也

〔箋〕周語曰禹賜氏曰有夏謂其能以嘉祉殷富生

物也及有天下遂以爲號夫子序書首繫禹貢於夏蓋大禹之功云

禹貢

傳禹制九州貢法

疏賦者自上稅下之名謂治

田出穀故經定其差等謂之厥賦貢者從下獻上之稱謂以土地生物獻其所有謂之厥貢此不言賦而云貢者取下供上之義貢賦之法其來久矣治水之後更復改新此篇貢法是禹所制非禹始爲貢也 張九成曰此書所紀衆矣而謂之禹貢

其間言筐賦亦詳矣乃不畧及之何哉曰此史官
名書之深意也其意以昔者洪水茫茫九州不辨
民皆昏墊今一旦平定四海使民安居樂土自然
懷報上之心以其土地所有獻於上若人子具甘
旨溫清之奉於慈親焉此民喜悅之心也名篇之
意其在茲乎不及賦筐以言名雖曰賦筐亦非強
爲科率使民不聊生也其喜悅願輸若貢物然此
所以總名之曰貢也 王氏炎曰九州有賦有貢
凡賦諸侯以供其國用凡貢諸侯以獻于天子挈

貢名篇有大一統之義焉 林氏曰禹貢實典之
體貢乃賦稅之總稱田賦包筐皆在其中 劉子
玄曰堯舜二典直序人事禹貢一篇惟言地理

箋按史記稱禹會諸侯江南計功而崩因塋會稽
會稽者會計也禹於貢賦終始煩經畫矣此篇序
禹制貢而於治水爲詳蓋水土平而後貢賦可定
府事修治禹功於是稱大宋程瑛曰禹貢謂之夏
書以夏史官所錄耳 丘氏濬曰禹未治水之前
地猶未平物之生者未繁田之闢者未盡至是水

上既平始可以任土作貢分田定稅禹成功後條九州所有以爲定法孔子刪書特載於夏書之首以示法天下俾後世有土有民者取民之制視此爲準焉凡此外別爲名目如後世進奉和買勸借之類皆非經常之制也

禹敷土隨山刊木奠高山大川

刊漢書作棻

傳洪水汎溢禹分布治九州之土

疏左傳云舉

八凱使主后土則伯益之輩佐禹多矣禹必身行九州規謀設法乃使佐已之人分布治之 周公

職錄云黃帝受命風后授圖割地布九州 吳枋

曰黃帝時畫野分州八家爲井井一爲鄰鄰三爲
朋朋三爲里里五爲邑邑十爲都都十爲師師十
爲州 杜佑曰九州本制起於顓頊辨其疆界始
於禹貢 周虞人之箴曰芒芒禹迹畫爲九州

曾氏曰祭法云共工氏霸九州其來久矣洪水湮
沒禹治水復分別之舜卽位分爲十二州分冀東
爲并東北爲幽分青之東北爲營至商又但言九
圍九有爾雅九州有幽營而無青梁其商制歟周

禮職方氏有幽并而無徐梁營則周制也

周以徐梁二州

合之於雍青分冀州地以爲幽并

吳萊曰堯遭洪水使禹平治

州分爲九及舜攝位冀分爲三青分爲二至禹而

後合堯之舊

左傳云夏之方有德也貢金九牧則禹登位還置九州

馬端

臨曰堯時禹別九州至舜分爲十二州周職方復

分爲九州而又與禹異漢承秦分天下爲郡國而

復以十三州統之晉時分州爲十九自晉以後爲

州衆多所統衆狹且建治之地亦不一所姑以揚

州言之自漢以來或治歷陽或治壽春或治曲阿

或治合肥或治建業而唐始治廣陵至南北分裂
之後務爲夸大僑置諸州以會稽爲東揚京口爲
南徐廣陵爲南兗歷陽爲南豫歷城爲南冀襄陽
爲南雍魯郡在禹跡爲徐州而漢則屬豫州所領
陳留在禹跡爲豫州而晉則屬兖州所領離析磔
裂循名失實而禹跡之九州烝不復可考矣 林
氏日記曰鯀障洪水而殛死洪範曰鯀湮洪水失
五行相勝之序土能治水故鯀執此以爲治水之
法其施功也惟務以土而湮之障之以與水爭勢

於隄防之間適以激其怒而增其勢若禹治水則不然謂水性潤下惟行其所無事則水得其性矣故敷土而散之順其自然此其所以有成功也

疏於時平地盡爲流潦鮮有陸行之路故將欲治水隨行山林斬木通道鄭云必隨州中之山而登之除木爲道以望觀所當治者則規其形而度其功焉 **蘇傳**山行多迷刊木以表之且以通道史記云山行表木

傳奠定也高山五岳大川四瀆定其差秩

疏禮

定器於地通名爲奠五岳謂嵩岱衡華恒四瀆謂
江河淮濟定其祀禮所視王制云五岳視三公四
瀆視諸侯其餘視伯子男 石氏云山川有主名
而或自山導或自川導水可得而治矣高山大川
如荆岐江漢是也治水者不逆其性惟形勢之順
而已形勢以山川爲主山川以高且大者爲主高
山大川各定其所而名正則其餘可以類求 墨
子曰禹之湮洪水決江河而通九州也名山三百
支山三千小者無數禹親自操橐相而耜雜天下

之川

山海經曰天下名山五千三百七十西陽雜俎曰名山三百六十福地七十二崑崙爲天

地之齊周書曰

禹濬七十川

釋名曰川者穿地而流也蔡邕

月令章句曰衆流注海曰川

張華博物志曰地

以名山爲輔佐石爲之骨川爲之脉

酈道元水

經注曰凡水出於地溝流於大水及於海者命曰

川水也

唐六典云江河自西極達于東溟中國

之大川也其餘百三十有五爲中川

桑欽水經所引天下

之水百三十

其千二百五十有二水斯爲小川

酈

七江河在焉

長注水經引其支流

一千二百五十三

考王記云凡天下之地執

兩山之間必有川焉大川之上必有涂焉 陳氏
經曰定高山大川爲表識乃疆理大規模 羅萃
曰廣谷大川風俗之所以分故推其高大者先正
之然後九州可別如大山定而山之西爲兗大河
定而河之南爲豫此分畫之要也 鄭樵曰州縣
之設有時而更山川之形千古不易所以禹貢分
州必以山川定疆界使兗州可移而濟河之兗州
不能移梁州可遷而華陽黑水之梁州不能遷故
禹貢爲萬世不易之書

箋禹嘗曰予荒度土功而自敘治水大本領不越
隨山刊木及決九川等語此云敷土隨刊卽禹平
日意中語也奠高山大川蓋所謂主名山川者大
畧神禹治水只是從高處着眼從低處下手舜肇
州封濟亦於此種學問煞有理會 通節順敘不
宜分作三項既有分土卽有此高山大川爲之襟
帶至懷山襄陵震蕩不寧高卑且易位矣得禹相
度疏導高高下下而山高水深各還其故卽此是
奠不必別煩位置也奠山川方結敷土之局其施

功却從隨刊來 史敘禹治水先言敷土土分則
水自洩亦消長之勢也奠高山大川而山澤定位
是爲分土刊木者法金克水而隨山時益烈山澤
又以火制水此處便見禹善用五行 胡氏贊曰
此是一部總禹貢洪水方割譬如人身處處腫滿
敷土隨山是診脉法急則治標先從下流洩水如
所謂決九川注海而後上流漸可施功平土原爲
制貢事平之後每州須有冊籍而以成功各冠其
前所謂典則也非一州治更治一州而山川繡置

何緣見其脉絡故全舉山川自爲首尾以終奠高山大川之意水者山之液導山也以導川非截然兩事而又總之以九州攸同因以定貢賦而終命篇之意錫土之後繼以祗德歸于本原而又分爲

五服總爲四海以終敷土之意

堯授時胸中有一幅全天文禹敷土

胸中有一幅全地理

楊慎曰禹貢奠高山大川其九州之

名以地名州而不以州分地蓋荆衡萬古不徙之山而河濟者萬古不泯之水也以故荆兗之名得附河濟荆衡而不滅萬世而下求禹貢九州之域

者皆可得而考也。問禹貢山川多與今不合何也。李夢陽曰：自河之入淮也，彼榮澤、孟諸、芒碭諸陂，今皆耕牧地耳。流謙變盈，滄海而桑田，古今能合哉。

程琬曰：禹敷土，隨山刊木，奠高山大川。禹錫玄圭，告厥成功。史官之辭也。若夫自冀州旣載壺口，以至訖于四海，皆禹自述經行天下與夫用功先後山川主名草木之生，遂土色之黑白，田賦之高下，山之首尾，水之源派，纖悉登載，奏之於堯藏之史。

官史官畧加刪潤以成萬世之信書 朱子曰禹

貢一書記地理治水曲折意當時事畢總作此書
故自冀州王都始禹自言予決九川距四海濬畎
澮距川一篇禹貢不過此數語今人說禹治水始
于壺口鑿龍門其未敢深信方河水洶湧其勢迅
激縱使鑿下龍門恐這石仍舊壅塞又下面水未
有分殺必且潰決四出蓋禹先決九川之水使各
通于海又濬畎澮之水使各通于川使大水有所
入小水有所歸禹只是先從低處下手若下面之

水盡殺則上面之水漸淺九川盡通則導河之功
已及八分故某嘗謂禹治水當始于碣石九河蓋
河患惟兗爲甚兗州是河曲處兩岸無山皆是平
地所以潰決常在此禹自其決處導之用功尤難
孟子亦云禹疏九河滄濟漯而注之海蓋皆自下
流疏殺其勢耳若鯀只是築湮之所以九載而功
弗成也 歐陽修曰鯀湮洪水九年無功禹得洪
範五行之書知水潤下之性乃因水之流疏決就
下而水患乃息 蘇氏軾曰禹之行水庖丁之提

刀避衆礙而散其智者也

冀州

傳堯所都也帝都不說境界以餘州所至則可知

疏史傳皆云堯都平陽五子之歌曰惟彼陶唐有

此冀方兗州云濟河自東河以東也豫州云荆河

自南河以南也雍州云西河自西河以西也

冀二面距

河河自積石東北流入中國則折而南流雍州在其西故曰西河至華陰折而東流豫州在其南故曰南河至大伾又折而西北

流兗州在其東故曰東河

明東河之西西河之

東南河之北是冀州之境也馬鄭皆云冀州不書

其界者時帝都之使若廣大然

詩譜唐地堯禹

所都城在古冀州太行恒山之西太原太岳之野
魏地舜禹所都城在古冀州雷首之北析城之西
南枕河曲北涉汾水 左傳疏曰堯治平陽舜治
蒲坂禹治安邑三都相去各二百餘里俱在冀州
朱子曰太行山之極高處平陽晉州蒲坂山之
盡頭堯舜所都也其地硯瘠人民朴陋儉嗇惟堯
舜能都之又曰冀都正是天地中間好風水山脉
從雲中發來雲中正高脊處自脊以西之水則西

流入于龍門西河自脊以東之水則東流入于海
前面一條黃河環繞右畔是華山聳立爲虎自華
來至中爲嵩山是爲前案遂過去爲泰山聳于左
是爲龍淮南諸山爲第二重案江南諸山及五嶺
又爲第三四重案 鄭樵曰堯始封于唐
今定州唐縣
後徙晉陽卽帝位都平陽天地設險之大者莫如
大河其次莫如大江故中原依大河以爲固吳越
依大江以爲固中原無事則居河之南中原多事
則居江之南自開闢以來皆河南建都雖黃帝堯

舜禹之都於今皆爲河北在昔皆爲河南大河故
道自碣石入海碣石今平州也幽薊冀都皆爲河
南地

爾雅曰兩河間曰冀州李巡云其氣清厥性相近
故曰冀冀近也 釋名曰冀州亦取地以爲名其
地有險有易帝王所都亂則冀治弱則冀疆荒則
冀豐 春秋說題辭曰州之爲言殊也令同類異
其界也 風俗通曰州疇也州有長使之相周足
也

周禮職方氏河內曰冀州其山鎮曰霍山其澤藪

曰揚紆其川漳其浸汾潞其利松柏其民五男三

女其畜宜牛羊其穀宜黍稷東北曰幽州其山鎮

曰醫無閭

在廣寧衛西

其澤藪曰猋養

在長廣

其川河涉

其浸菑時其利魚鹽其民一男三女其畜宜四擾

馬牛

其穀宜三種

黍稷稻

正北曰并州其山鎮曰恒

山其澤藪曰昭餘祁

在介休

其川虜池

水出鴈門

嘔夷今名

唐河其浸涑易其利布帛其民二男三女其畜宜五

擾

馬牛羊犬豕

其穀宜五種

黍稷菽麥稻

杜佑曰舜以冀

州南北濶夫分衛水爲并州燕以北爲幽州其在
天官昴畢則趙之分野尾箕則燕之分野兼得秦
魏衛之交秦置郡爲鉅鹿邯鄲上谷漁陽右北平
遼西河東上黨太原代郡鴈門雲中及三川郡之

北境漢武置十三州此爲冀州幽州并州後漢魏

並因之

通考曰以地在兩谷間故爲并州亦曰在
衛水常山之間幽州因幽都山以爲名古

涿鹿

也漢地理志河東土地平易有鹽鐵之饒本

唐堯所居周成王封弟叔虞唐有晉水及叔虞子
燹爲晉侯云魏亦姬姓在晉之南河曲至獻公滅

魏以封大夫畢萬晉至文公始有河內河內本殷
舊都周分爲三國詩風邙庸衛國是也衛爲狄所
滅更屬于晉後韓魏趙自立是爲三晉趙地北有
信都真定常山中山又得涿郡之高陽鄭州鄉東
有廣平鉅鹿清河河間又得勃海郡之東平舒中
邑文安東州成平章武河以北也南至浮水繁陽
內黃斥丘西有太原定襄雲中五原上黨上黨本
韓之別郡自趙徙都邯鄲北通燕涿南有鄭衛漳
河之間一都會也燕地東有漁陽右北平遼西遼

東西有上谷代郡鴈門南得涿郡之易容城范陽
北新城故安涿縣良鄉新昌及勃海之安次皆燕
分也樂浪玄菟亦宜屬焉燕薊南通齊趙勃碣之

間一都會也上谷至遼東數被胡寇有漁鹽棗栗

之饒

太康地記云三晉卽并冀二州徐堅曰三家
分晉自蒲州界河東至懷州屬魏自澤潞而

南至衛州盡太
原府已北屬趙

後漢郡國志冀州刺史部郡國

九魏郡鉅鹿常山中山安平河間清河趙國勃海
并州刺史部郡九上黨太原上郡西河五原雲中
定襄鴈門朔方幽州刺史部郡國十一涿郡廣陽

代郡上谷漁陽右北平遼東遼西玄菟樂浪遼東
屬國而河內河東二郡爲司隸校尉部 馬端臨

曰冀州漢時爲郡國二十四郡則恒山魏鉅鹿河
內太原涿上黨河東西河鴈門代雲中定襄上谷
漁陽右北平遼西國則趙真定河間廣平中山信
都廣陽 唐地理志河東道古冀州域河中 府卽蒲州

絳晉慈隰石太原

府卽并州

汾忻潞澤沁遼

卽儀州

爲實

沈分代雲朔蔚武新嵐憲

本樓煩監嵐州領之

爲大梁分府

二州十九以河東採訪使治蒲州河北道古幽冀

二州境孟

以河南府之河陽河清濟源溫租賦入河陽三城使又以汜水益之爲州懷

澶

析魏州置

衛及魏博相之南境爲瓠訾分邢洛惠

本

州以相洛析置

貝冀深趙鎮

卽常山郡

定及魏博相之北境爲

大梁分滄景

析滄州置

德爲玄扈分瀛莫幽易涿

析幽州置

平塢檀薊營安東

上都護府

爲析木津分州二十九都

護府一以河北採訪使治魏州

初學記曰河東道卽并冀兩州地西

南距河北盡朔垂南冀營等三州及兗州北界今並爲河北道南距河東至海北盡幽營

杜

佑曰唐分置十五部河東道領河東

蒲

絳郡

絳

陽

晉

高平

澤

上黨

潞

樂平

儀

陽城

沁

太寧

臨

文城

慈

西河

汾

太原

并

昌化

石

樓煩

嵐

雁門

代

定襄

忻

安邊

蔚

馬邑

朔

雲中

雲

等郡河北道領河內

懷

汲

郡

衛

鄴郡

相

廣平

洛

鉅鹿

邢

信都

冀

趙郡

趙

常山

恒

博陵

定

河間

瀛

文安

莫

饒陽

深

上谷

易

范陽

幽

順義

順

歸德

燕

媽川

媽

漁陽

薊

密雲

檀

北平

平

柳

城

營

兼分入都畿

河內

關內道

單

宋史

冀州升

爲安武軍節度而古冀州境則河北東路府一河

間州四冀莫雄霸軍三乾寧信安保定河北西路

府四真定中山

本定

信德

本邢

慶源

本趙

州八相

懷衛洛深磁祁保軍四安肅永寧廣信順安河東

路府三太原隆德

本路州

平陽州二絳澤代忻汾遼

憲嵐石隰慈軍八慶祚威勝平定苛嵐寧化火山

本嵐

州地

保德

亦嵐州地

晉寧陝西路府一河中州一解軍

一慶成及金人以燕京及涿易檀順景薊六州來

歸宣和四年增置燕山府路

班固配十二次自胃七度至畢十一度爲大梁於

辰在酉趙之分野屬冀州

費直周易分野起婁上度蔡邕月令章句起胃

一度自尾十度至南斗十一度爲析木於辰在寅燕

之分野屬幽州

貴直起尾九度
蔡邕起尾四度

自危十六度至奎

四度爲娵訾於辰在亥衛之分野屬并州

貴直起
危十四

度蔡邕起
危十度

陳卓京房張衡並云昴畢趙冀州尾

箕燕幽州營室東壁衛并州

春秋元命苞曰昴

畢間爲天街散爲冀州分爲趙國立爲常山箕星

散爲幽州分爲燕國營室流爲并州分爲衛國之

鎮立爲明山

春秋緯文曜鉤云太行以東至碣

石王屋底柱冀州屬樞星

星經玉衡第三星主

冀州常以五戌日候之甲戌爲魏郡渤海丙戌爲

安平戊戌爲鉅鹿河間庚戌爲清河趙國壬戌爲
恒山第八星主幽州常以五寅日候之甲寅爲玄
菟丙寅爲遼東遼西漁陽庚寅爲上谷代郡壬寅
爲廣陽戊寅爲涿郡第九星主并州常以五申日
候之甲申爲五原鴈門丙申爲朔方雲中戊申爲
西河庚申爲太原定襄壬申爲上黨

盧毓論曰唐虞以來冀州乃聖賢之淵藪帝王之
寶地東河以上西河以東南河以北易水以南骨
壤千里天地之所會陰陽之所交所謂神州也

武夷熊氏曰冀州北距長城依山爲塞卽北狄之境儼猶匈奴突厥契丹皆居其地有天下者定都建邑長安洛陽之外此亦一都會也

箋帝都特舉州名不言所至然形勝挾太行之險

三面距河首尾燕晉表裏河山故足領袖諸州而雄視五服矣 考一統志古冀州域在山西省則

太原

舜分置并州秦置郡治晉陽

平陽

卽堯都以在平水之陽故名

大同

虞周

屬并州

潞安

潞子國卽商黎國

汾州五府沁澤遼

東抵河南彰德

唐雲州

府三州在河南省則彰德

魏鄴都唐相州

衛輝

紂都胡歌地

懷

慶

卽羣懷也

三府北直隸則順天

真爲幽州

保定河間真定

順德廣平永平

并分冀州東北爲營州卽其地商孤竹國

七府及延慶

保安州

幽州北境

萬全都司

唐武州泰上谷郡地

其大名府

宋天雄軍

則冀兗二州城

鄭氏晚曰大名府屬滑縣濬縣開州長垣縣是

遼東都司

則冀青二州城

并分冀東北爲幽州卽今廣寧以西地秦以幽州爲遼西郡

曹學佺曰山西古冀州地禹貢冀州惟西河堯都

平陽河正在西故以河爲西河而地曰河之東也

山西者太行山之西秦晉兼得而言三家分晉以

後秦併吞之則燕秦韓趙魏六國之地皆爲山東

矣 國朝以齊爲山東晉爲山西蓋自太行首尾處目之云 楊慎曰九州惟冀無所至者舉八州而界自見亦所以別帝都而大一統也九疇之皇極貢法之公田見于此矣

疏九州之次以治爲先後以水性下流當從下而泄故治水皆從下爲始冀州帝都於九州近北故首從冀起而東南次兗而東南次青而南次徐而南次揚從揚而西次荆從荆而北次豫從豫而西次梁從梁而北次雍雍地最高故在後也自兗已

下皆準地之形勢從下向高從東向西青徐揚三
州並爲東偏雍州高於豫州豫州高於青徐雍豫
之水從青徐而入海也梁高於荆荆高於揚梁荆
之水從揚而入海也兖州在冀州東南冀兖二州
之水各自東北入海也冀州之水不經兖州以冀
是帝都河爲大患故先從冀起而次治兖 薛傳
堯河水爲患最甚江次之淮次之河行冀兖爲多
而青徐其下流被害亦甚堯都於冀故禹行自冀
始次于兖次于青次于徐四州治而河患衰矣雍

豫雖近河以下流既治可以少緩也故次乎揚次乎荆以治江淮江淮治而水患平次于豫次于梁次于雍以治江河上流之餘患而雍最高故終焉羅泌曰堯之水河患爲甚沛次之淮次之江漢次之濁河所被冀兗重而雍輕沛之所被則徐輕而兗豫重冀兗之流皆自其東北走海而冀又上京故治水之急先於河於是發迹壺口準地之勢自北而南洪邁曰禹貢敘治水以冀兗青徐揚荆豫梁雍爲次攷地理豫居九州中與兗徐接境

何爲自徐之揚顧以豫爲後乎蓋禹順五行而治之耳冀爲帝都既在所先而地居北方實於五行爲水水生木木東方也故次之以充青徐木生火火南方也故次之以揚荆火生土土中央也故次之以豫土生金金西方也故終於梁雍所謂彛倫攸敘者此也與鯀之汨陳五行相去遠矣

容齋一筆云此

說得之
魏幾道

王氏曰九州之序禹貢始於冀次以兗

而終於雍職方氏則始於揚次以荆而終於并者蓋禹貢言治水之序也職方言遠近之序也治水

則自帝都始然後順水性所便自下而上故由兗
至雍也以遠近言則周之化自北而南爲遠故關
雎鵲巢之詩分爲二南漢廣亦言文王之道被于
南國德化所及以遠爲至也始于揚以揚在東南
次以荆以荆在正南終於并以并在正北先遠而
後近也 林氏曰洪水泛濫其始必相水之大勢
順地之高下漸次導之其首尾本末大槩相應下
文所紀導山導水之序是也此序九州但各記一
州之事及其山川所在施功之曲折非謂先治一

州之水既畢更治一州也

漢禹貢序九州如今河工告成省直各自分敘一番勞績以及風土彙爲賦役全書先京師而後郡邑循例編次未必遂爲治水之序也至導水導山又合敘相度本末以畧見施功之次第云

既載壺口

疏漢書地理志壺口在河東北屈縣東南應劭云

已有南屈故稱北屈

慈州春秋晉州之屈邑禹貢壺口山在焉今吉州大寧縣

水經注曰河水南逕北屈縣故城西十里有風

山上有穴如輪鳳山西四十里河南孟門山淮南
子曰龍門未闢呂梁未鑿河出孟門之上大溢逆
流名曰洪水大禹疏通謂之孟門孟門卽龍門之
上口也實謂黃河之巨浸兼孟津之名矣此石經
始禹鑿河中漱廣夾岸崇深傾崖返捍巨石臨危
若墜復倚考一統志壺口孟門二
山並在吉州西七十里朱子曰旣者
已事之辭載者如有事也聖人做事先識大綱如
水則中國莫大於河南方莫大於江涇渭則入河
者也先定箇大者則小者便易攷

箋韋昭云載事也孔傳既載連冀州讀云先施貢賦役載於書正義曰冀州堯所都治水先從冀起爲諸州之首記其役功之法杜佑云載始也禹理水自此而始亦連冀州讀至蔡傳始連壺口讀云經始壺口以殺河勢蓋本朱氏之說山西通志曰鯀治水始於冀州興徒役作九仞之城訖無成功始冀州者理其脊也且堯都平陽冀州爲急禹亦始於冀州然必先導碣石九河以達其入海之路下流既疏則上壅自殺是故龍門可鑿伊闕可

排也 王氏樵曰雍冀之交夾河而南皆山也壺口乃受河之口河自積石北行出塞外阻陰山乃折而東行凡二千里又折而南流壺口當下流之衝此禹冀州于是經始也

治梁及岐

傳壺口在冀州梁岐在雍州從東循山治水而西疏梁山在左馮翊夏陽縣西北岐山在右扶風美陽縣西北經於壺口之下言治者鄭云蓋治水從下起以襄水害易也蘇傳當時河患上及梁

岐禹通砥柱則壺口平而梁岐自治因河而言非

以二山爲冀州地也 爾雅曰梁山晉望也

郭璞注晉

國所望祭

水經曰河水南出龍門口汾水從東來注

之鄴道元注曰昔禹導河積石疏決梁山謂斯處

也卽經所謂龍門矣呂梁洪其巖層岫複澗曲崖

深巨石崇竦壁立千仞河流激盪濤湧波襄昔呂

梁未闢河出孟門之上蓋大禹所闢以通河也司

馬彪曰在離石縣西今在離石北以東可二百有

餘里 山海經曰狐岐之山多青碧勝水出焉而

東北流注于汾水其中多蒼玉 水經注曰汾水
南與平陽合水出平陽西壺口山尚書所謂壺口
治梁及岐者也其水東逕狐谷亭北又東逕平陽
城南東入汾文水東南流與勝水合水出西狐岐
之山東逕六壁城南魏朝舊置六壁於其下防離
石諸胡因爲大鎮勝水又東合文水東南入于汾
水也 陳氏大猷曰魏志梁山北有龍門禹所鑿
此最用功處水患莫甚於河河莫險於龍門呂梁
鑿闢疑就狹處鑿而廣之 呂氏曰孟子謂禹行

其所無事如鑿龍門析砥柱闢伊闕豈無事哉鑿
所當鑿不憚難而止乃是行所無事也若避難就
易而謂行所無事可乎

箋壺口孟門之東山也梁山龍門之南山也禹於
壺口之西闢孟門而始事於壺口於梁山之北闢
龍門而終事於梁山 梁岐先儒以爲雍州山至

蔡傳訂爲冀州爾雅云梁山晉望卽冀州呂梁也

及考山西通志曰呂梁山在石州東北一百里

俗名

穀積山

與交城接界狐岐山

一名薛頤山

在汾州孝義縣

西八十里勝水出於其下與蔡傳正合

蔡傳梁山在石州離

石縣東北岐山在汾州介休縣

大抵壺口在冀西南爲河之下流

梁岐在冀西北爲河之上流梁岐壅塞河出孟門

之上無處下手先將壺口疏鑿寬廣下流旣通則

上流水勢自殺梁岐二山始可施功治之以開河

道焉二節總重治河不重治山

水經注泗水之上

疑今徐州呂梁洪與汾州岐山不相及矣羅泌曰呂梁者龍門也而彭城之東亦有所謂呂梁蓋猶夷陵陸渾之龍門云

王氏樵曰凡山之言治者或水道之

衝有疏闢之功也或表山以該水土也言執者剪

其蒼鬱與民種藝也傳所謂以啓山林也言旅者祭之以爲其川之鎮望記所謂取材出雲爲雨者也

既脩太原至于岳陽

岳漢書作嶽

〔傳〕高平曰太原今以爲郡名岳太岳在太原西南

山南曰陽

水北亦曰陽

〔疏〕太原卽晉陽縣釋地云廣

平曰原太岳屬河東郡地理志河東彘縣東有霍

太山

彘縣周厲王所奔順帝改永安縣今晉州霍邑

周禮冀州其山鎮曰

霍山卽此太岳是也山南見日故曰陽

今岳陽縣地堯所都

揚雄冀州箴

曰岳陽是都

爾雅西方之美者有霍山之多珠

玉焉鄭玄注四鎮云山之重大者揚州之會稽青

州之沂山幽州之醫無閭山冀州之霍山 徐堅

曰太原府昔高辛氏子實沈及金天氏子臺駘之

所居也又爲唐國帝堯爲唐侯所都 詩含神霧

云唐地處孟冬之位得常山大岳之風音中羽其

地磽确而收其民儉而好畜此唐堯之所處 山

海經曰管涔之山其下多玉汾水出焉而西流注

于河 水經曰汾水出太原汾陽縣北管涔山東

南過晉陽縣東晉水從縣東南流注之又南過平

陶縣東文水從西來流注之又南入河東界過永

安縣西

歷唐城

又南過平陽縣東

堯舜並都之

又南過臨

汾縣東又西至汾陰縣北西注于河

鄭樵曰汾陽今太原治陽

曲也汾水出忻州歷太原汾晉絳蒲五州入河班云汾水西南行千三百四十里今太原府有汾河晉地記云陽曲本漢縣黃河千里一曲此當其陽故云

曾氏曰經始治之

之謂載因舊治之之謂脩記曰禹能修鯀之功

餘州

以冀例之

朱子曰他所舉山川皆先地後績者觀成

功而言也壺口梁岐及太原皆先績後地者本用

功之始而言也豈治之有難易歟

〔箋〕河入海汾入河二水原相屬禹自壺口至太岳
治河卽以治汾但岳陽向爲堯都鯀極意崇防頗
有遺蹟可因而壺口梁岐則禹創爲疏鑿耳總之
治冀州水以河爲主 太原岳陽帝都所在鯀亦
大費經營只因不得要領防遏無益至禹相度源
委先疏下流以殺河勢便得大頭腦河流既定太
原一帶只脩鯀舊蹟自可奏功此神禹化工手段
也并鯀蹟不朽矣 旣載旣脩凡旣字皆據成功

言工力創造曰治沿緒曰修道里附近曰及總括

曰至皆書法也 王氏樵曰河北有縣隄蓋縣之

治河也障之所以害愈甚而功不成若太原岳陽

諸處非無可因之功故禹因而脩之

河漕通考云開州有縣隄

衛州有古伯禹隄博州亦有縣隄又名禹隄歷代築之以禦河患通謂金隄考括地志金隄一名千里隄在白馬縣東五里漢文帝時河決酸棗東潰金隄顏師古注在東郡白馬津九域志大名府有金隄又漢順帝陽嘉中自汴河口以東緣河積石爲堰通淮曰金隄也

直隸名勝

志曰汾河其源有二一出天池一出林溪山隋煬

帝避暑之地經支鍋石村合流至古襄陽城又至

縣城西南以入樓煩故交城陽曲太原之境經河
津滎河諸縣注入黃河水經注云桑乾河水潛承
汾陽縣北燕山之天池俗名祁連汭卽管涔山谷
也

單懷底績至於衡漳

漢書
作章

傳單懷近河地名漳水橫流入河從單懷致功至
橫漳

疏地理志河內郡有懷縣在河之北單懷

共爲一地衡古橫字漳水橫流入河故云橫漳漳
在懷北五百餘里志又云清漳水出上黨沾縣大

龜谷東北至渤海阜城縣入河濁漳水出長子縣

東至鄴縣入清漳 曾氏曰覃懷平地在孟津之

東大行之西涑水出乎其西淇水出乎其東方洪

水懷山襄陵之時平地致功爲難故曰底績

水經注也

馬河卽涑水也出代郡廣昌縣涑山淇水出林慮山又山海經沮洳之山濊水出焉東至淇縣南流

入河謂之淇水口

金氏曰太行爲河北脊其山脊諸州

皆山險至太行山盡地始平曠田皆腴美俗稱小

江南古覃懷也

今懷慶府

山海經曰發鳩之山漳水

出焉

濁漳

東流注于河又東北百二十里曰少山清

漳之水出焉東流于濁漳之水 水經曰濁漳水

出上黨長子縣西發鳩山

一云出鹿谷山與發鳩連麓而在南東過

壺關縣北又東過武安縣

清水自涉縣東南來注之所謂交漳口又

東過鄴縣西清漳水出上黨沾縣大邑谷東至武

安縣入于濁漳

鄭樵云東北過磁州武安與濁漳合

沈括曰水以

漳名者清濁相蹂爲漳章者文也別也謂兩物相

合有文章且可別也清漳濁漳合於上黨色如蟬

蛸數十里方溷如圭漳之合詩云濟濟辟王左右

奉璋璋圭體之半也合之則成圭 曾氏曰河自

太伾北流漳水東流注之地形東西爲橫南北爲

從河北流而漳東注則河從而漳橫矣

馬端臨曰漳水橫流

入河在今廣平郡西北肥鄉縣界易氏曰洺州洺水縣本漢斥漳縣地屬廣平國有衡漳故蹟俗名

阿難渠

漢書溝洫志魏文侯時史起爲鄴令引漳

水溉鄴以富魏之河內水經曰濁漳水東北過

潞縣北注云縣故赤翟潞子國闕駟曰有潞水爲

冀州浸卽漳水也世亦謂濁漳爲潞水

考山西通志濁漳水

經屯留至潞城西交漳村與絳水合流名漳水至襄垣西南合沁州所出漳河又至縣東北合武鄉漳河西流經黎城縣西南入河南林縣地界與清漳水合潞水在潞城縣東微子城發源西流合濁

漳則漳與潞非一水明矣楊慎曰有東潞
西路東潞今潞河驛西路山西之上黨

箋單懷衡漳從土說到水上恒衡大陸從水說到
土上總見水治而邊水之土無不平治也底績

以平地致功爲難禹貢三言之其功較他處固應
倍矣衡漳單說濁漳蒙底績之文蓋指其旁地言

鯀以績用弗成致殛禹以所至底績受禪帝世
考績黜陟之法并見于此河南通志曰漳河源

有二一出山西潞州長子縣發鳩山名濁漳一出
山西平定州樂平縣少山名清漳俱東至林縣合

流經安陽磁州臨漳館陶界入衛河

一統志云衛河在館陶縣

西二里漢名屯氏河隋疏爲永濟渠亦曰御河源自河南衛輝府輝縣東北流至臨漳與會通河合流入海隋煬帝征高麗御樓船過此故名御河見館陶縣志

厥土惟白壤

傳無塊曰壤水去土復其性色白而壤

疏九章

算術穿地四爲壤五壤爲息土則壤是土和緩之

名

說文壤軟土也顏氏曰柔土曰壤

周禮大司空以天下土地

之圖周知九州之地域廣輪之數辨其山林川澤

丘陵墳衍原隰之名物制其畿疆而溝封之以土

會之法辨五地之物生

五地謂山林川澤丘陵墳衍原隰

以土宜

法辨十有二壤之物而知其種以教稼穡樹藝以

土均之法辨五物

五地之物

九等

卽九等之賦

制天下之地

征以作民職以令地貢以歛財賦

鄭氏注以萬物自生則言土土

猶吐也以人所耕而樹

藝則言壤壤和緩貌

釋名曰壤瀼也肥濡意

也 博物志曰五土所宜黃白宜種禾黑墳宜麥

黍蒼赤宜菽芋下泉宜稻得其宜則利百倍 鄭

玄曰分別五土視其高下若高田宜黍稷下田宜

稻麥丘陵阪險宜種棗栗

劉向曰山川汗澤陵

陸丘阜五土之宜聖王就其勢因其便不失其性
高者黍中者稷下者秬蒲葦菅蒯之用不乏麻麥
黍粱亦不盡淮南子曰東方地宜麥南方地宜
稻西方地宜黍北方地宜菽中央地宜禾管子
曰九州之土爲九十物羣土之長是唯五粟粟土
之次曰五沃沃土之次曰五位位土之次曰五隱
隱土之次曰五壤壤土之次曰五浮凡上土三十
物周禮草人掌土化之法以物地相其宜而爲
之種雜草而灰之以糞田凡糞種駢剛用牛赤緹絳色用羊墳

壤用麋渴澤

故水處

用鹿鹹瀉用貍尺勃壤用狐埴

爐用豕疆槩用蕢

燒麻爲灰

輕煖

浮

用犬

並焚其骨爲灰

陳

氏大猷曰白言色壤言質水患退而後土性復色質辨始可與地利定賦法

箋九州言厥土而總結以庶土庶土則凡土皆在其中禹貢未嘗有穀土之說也桑土則於兗州特指言之

厥賦惟上上錯厥田惟中中

傳賦謂土地所生以供天子上上第一錯雜雜出

第二之賦田之高下肥瘠九州之中爲第五先賦
後田殊於餘州不言貢篚亦差於餘州

疏賦者

稅歛之名往者洪水爲災九州賦稅蓋亦不行水
災旣除土復本性以作貢賦之差鄭玄云此州入
穀不貢是也此時稅俱什一而得爲九等差者人
功有強弱收穫有多少傳以荊州田第八賦第三
爲人功脩雍州田第一賦第六爲人功少是據人
功多少總計以定差此州以上上爲正而雜爲次
等言出上上時多而上中時少也多者爲正少者

爲雜言上上錯者少在正下故先言上上而後言錯豫州言錯上中者少在正上故先言錯而後言上中此九等計大率所得非上料定也冀州自出第二與豫州同時則無第一之賦豫州與冀州等一同時則無第二之賦上言敷土此言厥田者鄭玄云地當陰陽之中能吐生萬物者曰土據人功作力競得而田之則爲之田也餘州先田後賦此州先賦後田當爲田賦以收穫爲差田以肥瘠爲等若田在賦上則賦宜從田田美則宜賦重無以

見人功脩否故令賦先於田也以見賦由人功餘
州皆令賦在田下欲見賦從田出 周禮大宰八
則五曰賦貢以馭其用 魏了翁曰賦有分頒之
意以井地所出獻于王也如禹貢之賦與詩賦政
于外左氏悉率敝賦凡三等采地所出之物與丘
車之屬盡謂之賦賦是上頒其式貢則下以供上
賦通人力所出貢止是地所產如士謂之貢士亦
謂之充賦皆地所出之人也 朱子曰常出者爲
正間出者爲錯錯在上上之下則間出第二等也

賦有九等此乃計九州歲入多寡相較以爲之等
非科定取民也取民則皆用什一賦入既有常數
而又有間出他等之時者歲有豐凶不能皆如其
常故有錯法以通之然則雖夏法亦未嘗不通也

羅泌曰孟子言夏后氏五十而貢商人七十而
助周人百畝而徹貢者自治其田而貢其稅畝五
十而以其五貢助者借民之力以治公田畝七十
而以其七助而徹則公私合併百畝而取其十畝
三代取民雖名不同然取之以什一初不變也夏

商周之授田其數不同者禹時沉菑未遠九州之
土固有見而未作作而未乂者人功未足以盡地
利而可耕之地尚少故家五十畝而授沿歷商周
人力浸廣疆土益闢是故商七十而周則百皇氏
劉氏乃謂夏之民多故家五十商民稀故七十周
民尤稀故百熊氏則謂夏之政寬故一夫之地稅
其半商政稍急乃稅其七至周煩極故盡稅之而
賈公彥復取六遂上地與夫司徒四等據地之法
爲言謂夏之貢據一易之地家二百畝甸百畝而

荒百畝則二百畝而稅百畝是五十而貢也商之
助法據六遂上地甸百畝者萊五十故百五十畝
而稅一百畝是七十而助也若周之徹則據不易
之地百畝而盡稅之是則古之民常多而後世之
民愈少古之稅常輕而後世之稅愈重古之地皆
一易而後世之地皆不易豈理也哉今夫九州之
貢賦既有每歲之常矣至於他時歲儉復有錯出
之賦因時制變凶年豈有取盈之理惟後世不善
用之知取必於每歲之常而無雜出他等之時此

卷一
其所以爲弊歟

蘇傳賦田所出穀米兵車之類冀州畿內也田中
中而賦上上理不應爾必當時事有相補除者豈
以不貢而多賦耶 林氏曰冀州先賦後田者冀
王畿之地天子所自治併與場圃園田漆林之類
而征之如周官載師所載賦非盡出於田也故以
賦屬於厥土之下餘州皆田之賦也故先田而後
賦 新安陳氏曰場圃等之征載師掌之材木蒲
葦等林衡澤虞掌之金錫禽魚卵人牧之畧人掌

之他以類推周官九貢致邦國之信用於諸侯王
畿則止於九賦歛財賄亦此意也 臨川吳氏曰
賦之九等以各州歲入總數較其多寡而爲高下
也數之最多者爲上上田之九等以各州土地所
宜較其肥瘠而爲高下也地之最腴者爲上上
胡氏曰民力厚薄由田上肥瘠自古當然而禹貢
九州所出之賦乃輕重不同何哉冀州土厚水深
號爲沃野豫州天地之中商賈所集揚州東方之
都會荊州南夏之名區故冀豫爲羅綺之鄉荆揚

爲魚鹽之海他物所出利倍於田此所以田輕而賦重也青徐海上僻陋之邦土狹民瘠雍梁西鄙控扼之國地險患多田土之外雜出不厚此所以田重而賦輕也

神農始造田謂之田祖

詩疏

黃帝始經土設井田

以塞爭端立步制畝以防不足使八家爲井間爲四道此井田之原也其法肇於黃帝成于大禹倘于周壞于秦也

通典

后稷始畊田以二耜爲耦廣

尺深尺曰畊長終畝一畝三畊

漢食貨志

釋名曰田

填也五稼填滿其中 觀射父曰天子之田九咳

九州之內有咳數也

以食兆民

漢書食貨志理民之道地

著爲本故必建步立畝正其經界六尺爲步步百爲畝民年二十受田六十歸田種穀必雜五種以備災害 鹽鐵論曰古者制田百步爲畝什而藉

一漢憐百姓衣食不足制田二百四十步而一畝

率三十而稅一

領野王云秦孝公以二百三十步爲畝

董仲舒曰

古者稅民不過什一其求易共使民不過三日其力易足至秦用商鞅之法除井田民得賣買富者

田連阡陌貧者無立錐之地又加力役三十倍於古田租口賦鹽鐵之利二十倍于古或耕豪民之田見稅什五故貧民常依牛馬之衣而食犬彘之食古井田法雖難卒行宜少近古限民名田以贍不足塞并兼之路 貢禹以爲古民無賦算口錢起武帝征伐四夷重賦于民 鄭樵志秦孝公十三年初爲賦 林

駟曰漢自田賦之外有口賦有算賦口賦者民自年三歲出口錢二十至年十四而止自年十五歲出算錢百二十至五十六而止至武帝增口錢之

三以補車騎馬而口賦始二十三爲率は口賦已
重於田賦 唐制度田以步其濶一步長二百四
十步爲畝百畝爲頃凡民二十一爲丁六十爲老
授田之制人一頃其八十畝爲口分二十畝爲永
業凡授田者丁歲輸粟二斛稻三斛謂之租丁隨
鄉所出歲輸絹二匹綾絕二丈有加五之一綿三
兩麻三觔非蠶鄉則輸銀十四兩謂之調用人之
力歲二十日閏加二日不役者日爲絹三尺謂之
庸其法以人丁爲本自開元以後天下戶籍久不

更造田畝賣易代宗時始以畝定稅而歛以夏秋
至德宗相楊炎遂作兩稅法夏輸無過六月秋輸
無過十一月田稅視大曆十四年墾田之數爲定

唐食貨志

何坦曰租賦田桑所出也自禹定制不使

貢其所無今之取民視古什一何啻數倍穀帛之
外又折估而使輸錢焉吏又先期以趣之斯民益
不堪命也古者山虞不烹魚鼈川衡不貢材木

馬端臨曰禹貢八州皆有貢而冀州獨無之甸服
有米粟之輸而餘四服俱無之說者以爲王畿之

外八州俱以田賦所當供者市易所貢之物故不
輸粟然則土貢卽租稅也漢唐以來任土作貢無
代無之著之令甲猶曰當其租入然季世苛橫往
往租自租而貢自貢矣又曰隨田之在民者稅之
而不復問其多寡始於商鞅隨民之有田者稅之
而不復視其下中始于楊炎三代井田之良法壞
於鞅唐租庸調之良法壞於炎 蘇轍曰三代之
君開井田畫溝洫謹步畝嚴版圖因口之衆寡以
授田因田之厚薄以制賦經界既定仁政自成下

及隋唐風流已遠然其授民田有口分永業皆取
之於官其歛民財有租庸調皆計之於口其後世
亂法壞變爲兩稅戶無主客以見居爲簿人無下
中以貧富爲差田之在民其漸由此貿易之際不
可復知貧者急於售田則稅多而田少富者利於
避役則稅少而田多僥倖一興稅役皆弊故丁謂
之記景德田況之記皇祐皆以均稅爲言矣然嘉
祐中薛向孫琳始議方田量步畝審肥瘠以定賦
稅之入熙寧中呂惠卿復建手實挾私隱崇告訐

以實貧富之等元豐中李琮追究逃絕均虛數虐
編戶以補失陷之稅此三者皆爲國歛怨所得不
補所失事不旋踵而罷鄭介夫曰自古天下之
田無不屬官先王使貧富強弱無以相過各有其
田得以自耕故天下無甚富甚貧之民至成周時
其法大畲畫地爲井八鳩五規二牧九夫以等其
高下溝洫畎澮川涂畛徑以立其堤防疆井旣定
無得侵奪商鞅開阡陌乃有豪強兼并之患然猶
不明說田在民也官不得治而民得自占爲業耳

迄于漢亡兵火之餘人稀土曠當時天下之田既不在官亦終不在民以爲在官則官無人收管以爲在民則又無簿籍契券但隨力所能至而耕之元魏行均田稍亦近古唐因而損益之爲法雖善然令民得賣其口分永業始有契約文券日漸一日公田盡變爲私田先王之法由是大壞天下紛紛互相吞併而井田永不可復矣

箋王畿之賦兼貢言故異其文而先于田且不欲示賦額爲諸州殿也然有時而錯亦不盡民力之

意 國家賦額雖定尤以臨期會計爲准如某處
災荒量減卽於某處派抵此卽禹貢所云錯法也
陸樹聲曰禹貢九州言田賦者九曰篚者三曰
包者二匭者一曰貢者八而冀州則獨言田賦而
不言貢者蓋冀爲天子所都餘八州諸侯分封之
國諸侯各以歲時致其田之所有以獻於王者之
謂貢冀爲天子畿內之地其物之所有皆屬于王
則虞衡澤虞牧人畧人掌之何貢之爲周官一書
紀行人之職曰王畿之外五百里曰甸服始貢器

物其次貢祀物以至要服各貢其所出之物而王
畿之內則太宰掌其九職九賦而已亦未嘗言貢
也 陸深曰禹貢八州皆有貢物而冀州獨無之
冀卽今之山西土瘠天寒生物鮮少蓋自古爲然
董穀曰古以百步爲畝以今弓准之一畝當今
四分強耳后稷爲田一畝三畝廣尺深尺是橫過
一弓直長一百弓也古一夫百畝當今四十一畝
播種之區一畝三畝通計百畝三十丈濶六十丈
長耳 丘氏濬曰案馬端臨言賦稅必視田畝乃

古今不易之法三代之貢助徹亦只是視田而賦
之未嘗別有戶口之賦兩稅以資產爲宗未必全
非也但立法之初謂兩稅外不許分毫科率然兵
興費廣不能不於稅外別有徵求此時弊非法弊
也我朝稽古定制以天下之墾田定天下之賦
稅因其地宜立爲等則夏稅秋糧歲有定額惟逐
戶編爲里甲十年一度輪差其法一定而可守
近亦不免稅外徵求矣

恒衛旣從大陸旣作

史記作爲

傳二水已治從其故道大陸之地已可耕作

疏

地理志云恒水出常山上曲陽縣東入滌水衛水出常山靈壽縣東北入滹沱大陸在鉅鹿縣北釋地十藪云晉有大陸孫炎等皆云今鉅鹿縣北廣阿澤也春秋魏獻子畋于大陸焚焉還卒于寧杜氏嫌鉅鹿絕遠以爲汲郡脩武縣吳澤寧卽脩武今按恒水在真定縣出恒山北谷西南流至真定府行唐縣衛水在靈壽縣東北十里俗呼雷溝河見真定府志大陸卽吳澤見水經注考史記正義曰大陸澤在邢州及趙州界一名廣阿澤一名鉅鹿澤也寰宇記云一名沃洲今俗名葫蘆河趙武靈王曰吾國東有河薄洛之水或其訛傳云

水經曰沁水出代郡靈丘縣高氏山南過廣昌縣南又東南過中山上曲陽縣北恒水從西來注之水出恒山北阜東北流注于沁水薛氏曰恒水東入沁水至瀛州高陽縣衛水合漳沁河過信安軍並入易水寰宇記云大茂山在真定縣西南界卽恒山之別名也禹貢恒水所出俗謂之太白山易水出涿郡故安縣西山寬中谷南注濡水流合巨馬水爲北易其出代郡廣昌縣郎山南曾渾波俗謂電河出北新城東合沁水謂之南易詳水經注

釋名曰高平曰陸陸

漉也水流漉而去也杜佑曰大陸澤在今鉅鹿

趙郡饒陽郡界蔡傳謂禹河自涇相以北皆行西

山之麓及其邑過信澤

漢志冀州信都縣有澤水

則西山勢斷

嶺然四平此地謂之大陸杜佑李吉甫以邢趙深

三州爲大陸者得之

考真定府志趙州東南一百里曰降平卽禹貢所云大陸

者

蘇傳水已復故道則大陸之地可耕作

箋冀州於田賦後更附此條說者以爲成功獨遲固也乃余於此得帝王經畫畿輔之深意蓋當是時京師無漕輓之仰給而坐擁千里以自贍使地利不盡而野多曠土何以佐經費而賦額又最重寧忍厲民以取盈如覃懷大陸一帶彌望沃野皆堪耕作而洪水初退之餘因之樹藝其收必倍史

臣大書特書以見所在之盡地利而重農力穡以爲天下倡亦以實京師而壯根本非如後世之虛口仰食也觀虞書於禹平水土後申命稷以播時百穀而此處於覃懷大陸一則曰底績再則曰旣作不嫌重複其詞意可思已乃語連衡漳恒衛豈冀州水無大此者蓋大河之旁其地最苦崩啗橫決而得一二支水疏引穿渠以便溉灌尤於耕作爲易故連及之耳禹不云乎濬畝澮距川此又紀衡漳恒衛之旨也 按衡水出靈壽入滹沱大學

土石瑤潯沱河記曰恒山之陽有鉅川焉曰潯沱
出代郡泰戲山下匯爲三泉流稍延曼循太行掠
晉冀蜿蜒而東注之海班固敘九河所謂徒駭者
太行以東地下河淤旁無澗壑以泄其怒諸流洶
湧至敗城郭沒田廬若是則冀州水無大潯沱矣
經何以舍旃而稱恒衛也今恒衛二水郡志頗畧
而衛河源出輝縣之蘇門山會淇漳諸水過臨漳
分爲二其一北經大名至武邑以入潯沱其一東
流經大名出臨清至直沽會白河入海宜卽經所

云衛水與郡志稱滹沱南入寧晉會衛河入海又
謂滹沱源發于鴈門繁峙東南至靈壽而真定適
當其衝併識以俟考 直隸名勝志曰東鹿縣本
禹貢大陸地以滹沱水環之故名西漢曰陸成蓋
麓陸古字通用脩堤記云東鹿治真定之東滹沱
河經靈壽平山晉州深州至直沽入海而東鹿間
於晉深二州間滹沱之來滋大又曰大陸城在寧
晉縣東南十里本漢廣阿縣隋改爲大陸卽禹貢
地大河所經受滏沱諸水夏潦時滹水滹沱南北

交注其澤東西經三十里直接隆平任縣俱百餘里漳漳二水遠徙可以耕種 陶望齡曰恒山漳沱之間專曰冀禹之敷土也至於恒衛從大陸作而冀方乃寧矣管子言恒山之野五穀蕃熟四種五穫 秦繼宗曰經文有兩既字傳云成功於田賦之後非興工獨後也或謂田賦定後治恒衛大陸非矣

島夷皮服

鳥漢書作鳥

傳海曲謂之島居島之夷還服其皮明水害除

馬云

島夷北

夷國

[疏]孔讀鳥爲島島是海中之山海曲有

山夷居其上常衣鳥獸之皮爲遭洪水衣食不足
今還得衣其皮服以明水害除也鄭玄云鳥夷東
方之民搏食鳥獸者也王肅云鳥夷東北夷國名
一釋名曰海中可居者曰島島到也人所奔到也
亦言鳥物所赴如鳥之下也大戴禮曰東辟之
民曰夷精以僥至于大遠有不火食者矣白虎

通曰東方九夷夷者傳狄無禮義

後漢書云夷有九種畝夷于夷

方夷黃夷白夷赤夷玄夷風夷陽夷

王氏炎曰北地寒故服用皮

南地暖故服用卉此第志其服與中國異聖人亦因其俗而不革爾 林氏曰衣皮夷性不必水平乃得服諸夷不責其貢欲効誠亦不拒也如蠙珠織皮之類

雙冀東北邊夷如今遼東鄰近朝鮮海西地界島中有夷聚居以皮服來貢因俗以示羈縻亦見王者無外之象

夾右竭石入于河

傳碣石海畔山

疏地理志碣石山在北平驪城

縣西南

蘇傳河自碣石山南渤海之北入海夾

挾也自海入河逆流而西右顧碣石如在挾掖也

朱子曰碣石山負海當河入海之衝自海道夾

出碣石之右然後入河而達帝都也冀州三面距

河其建都實取轉漕之利朝會之便故九州之終

皆言達河以紀其入帝都之道冀實帝都亦曰入

河者爲北境絕遠者言之以明海道亦可至也

山海經曰碣石之山繩水出焉而東流注于河河
之入海舊在碣石今川流可導非禹瀆也周定王

五年河徙故瀆故班固曰商碣周移也 水經注

曰大碣石山在驪城縣西南漢武帝嘗登之以望

巨海勒石於此今枕海有石如甬道數十里當山

頂有大石如柱形立於巨海之中潮水大至及退

不動不沒不知深淺世名之天橋柱也狀若人造

要亦非人力所就韋昭亦指此以爲碣石也

韋昭以爲

碣石舊在河口海濱歷世既久爲水所溢漸淪入海已去岸五百餘里矣 通典云碣

石山在漢樂浪郡遂城縣長城起於此東截遼水

而入高麗禹貢右碣石在平州南三十餘里

楊慎云卽

河赴海處則高麗中爲左碣石

水經至棠樾築長城起自臨洮至于碣石永平

府志云碣石山在昌黎西北二十里

朱子曰混同江斜迤東南流

入海其下爲遼海遼東遼西指此水而分也

〔箋〕按開鎮志碣石在山海關山自居庸而東其勢

漸南海自直沽而東其勢漸北轉入遼境金復州

南岸卽登萊二府界也 國初尚通海運山東一

省錢鈔布花由海道給遼今山海城南泊舟遺址

猶存而運道久廢不復講矣 唐神龍中滄州刺

史美師度於薊州北漲水爲溝以備契丹奚之入

寇又約舊渠旁海穿漕號平虜渠以避海難 吳

寬曰元之漕由海道而來海舟鉅甚至直沽易以
小舟始達城下 丘氏濬曰國家都燕極北之地

而財賦之入皆自東南况自古皆是轉般而以鹽
爲傭直今則專役軍夫長運而加以兌支之耗歲
歲常運積糧雖多戍卒日少請尋元人故道別通
海運與河漕並行江西湖廣江東之粟照舊河運
而以浙西東瀕海一帶

浙江布政司及常州蘇州松江三府

由海通

運使人習知海道一旦漕渠少有滯塞此不來而

彼來是亦思患預防之計也又曰唐杜牧言禹畫九州一曰冀州舜以其分太大離爲幽州其人沈鷺多力能耐音耐辛苦復產健馬下者日馳百里兵馬之強在昔然矣且其地瀕大海秦始皇起黃腸瑯琊負海之粟轉輸北河是時海運已通杜甫謂漁陽豪俠之地雲帆轉遼海粳稻來東吳則唐時又通東吳之粟于此元盛時漕東南粟于燕歲幾至四百萬石天生鉅海以爲國家饒道不假通渠轉漕者鄭氏曉曰禹貢道皆曰汧于惟冀

州無貢道止書島夷皮服夾右碣石入于河蓋島
與碣石字相聯書知爲海夷貢道又曰碣石有二
一在廣東南海口一在冀州北海口北碣石在海
中如河中砥柱當河入海之衝鎖中國水口眞天
造也河旁地淪于海碣石遂去岸五百里其地今
爲遼東西南小海其西卽冀河入海故道山海關
至薊州豐潤一帶是也未有小海時遼東亦不屬
充者蓋須入山海關從永平薊州方至充遠矣若
屬青州片帆可達故唐虞時遼東今遼陽屬青遼

西今廣寧屬冀自九河滄海而充地甚狹又按禹
之治水始于西北壺口岐梁之山遂至太原而南
盡太岳之陽諸山皆列峙于大河之東與雍州隔
境自此而又東則有覃懷之地衡漳之水蓋平曠
之區而非山麓之阻大抵與豫州對境若乃恒衛
大陸又皆直在帝都之東境而與兗州接壤矣

考自堯都平陽歷舜禹並在冀方卽今山西河東
道所轄國家定鼎幽燕亦冀州境則近黃帝涿
鹿之阿矣元學士郝經云燕都東控遼碣西連三

晉背負關嶺瞰臨河朔南面以臨天下誠爲海內
形勝要區乃今日轉漕全仰給東南以會通河爲
咽喉萬一運道中梗危證立見先年併通海運有
遶洋一總遺意尚存似宜及時講究以佐緩亟而
西北水田向議開墾旋行旋罷終鮮實心任事者
若能多方設法耕治彌望田疇不特可漸省轉漕
兼得增脩地險以限戎馬之足固 帝都萬世永
利也 魏太常校曰大地之脉咸祖昆侖而南北
二絡最大北絡發于崑崙之陰折而東行其背爲

北狄其面爲中國而其餘氣爲東夷東夷氣散而弱世爲不侵不叛之臣北狄廣漠萬里龍氣粗頑其性殺伐陰山橫亘千餘里固天所以限華夷也控御北垂至爲要害南而爲中國其中結爲冀都其左結爲燕京冀都則恒山祖脉若從天降下爲平陽而大河三面環之以截龍氣天文北極不動而衆星共焉冀都正北南面以臨天下上應薇垣此第一都會也堯舜禹由是興焉北絡極于幽燕而大河至此入海與鴨綠江會東夷爲其下沙此

山水一太交會也其北崇岡千疊而其前平夷千
有餘里泰山聳于南誠國家萬年之基也但河徙
而南氣不交固今其勢且北而以害于漕河則障
之使南止 國家北都燕而遠漕江南粟民力易
罷地則有遺利矣以漕河故多逆水性大河淮涉
皆拂經是于天時人事無乃有未盡乎 帝都論
云北龍有燕山卽今 京師也以燕然山脉盡於
此故曰燕山其龍發崑崙之中派綿亘數千里至
于闐歷瀚海出夷入貊又萬餘里始至燕然山入

中國爲燕雲

北京爲山前日燕
大同爲山後日雲

復東行數百里起

天壽山乃落平洋方廣千餘里遼東遼西兩枝關
截黃河前遶鴨綠後纏而陰恒太行諸山與海中
諸島相應近則灤河潮河桑河易河并諸小水夾
身界限分明桂文襄公謂宸山帶海有金湯之固
蓋真定以北至永平關口不下百十而居庸紫荆
山海喜峰古北黃花鎮險阨尤著會通漕運便利
天津又通海運誠萬世帝王之都也又云黃帝都
幽州之涿鹿堯舜都冀州之蒲坂我

成祖遷都燕京蓋復黃帝堯舜之故都于千八百年

之後左環滄海右擁太行北枕居庸南襟河濟形

勝甲於天下唐虞之都以河溢爲患周洛邑以簡

守之難大梁平夷無險臨安僻處一隅金陵形勝

雖優而垣氣多泄兩淮龍氣大盡而地勢卑下東

晉中幹最尊而已鍾孔聖且今河水穿龍皆非建

都之宜他如武昌成都又不足論矣故惟京師

爲上關中次之東漢所都之洛又次之丘氏濬

曰石晉所賂契丹十六州地幽

今順天

薊瀛莫

今任丘縣

涿檀

今密雲縣順義縣

七州在山前新

今保安州 媯 今隆慶州 儒

今永寧縣 武

在今朔州西境 雲

今大

應寰

今馬邑縣

朔蔚九州在山

後合契丹所自取營

今昌黎

平

今永平

二州通計之蓋

十有八州也自是中國非但失其土地人民乃并

其關隘而失之宋承其後遂以白溝河爲界今山

前山後皆吾中國地山前七州今爲畿甸太行西

來連岡疊嶂北歷居庸而東極于醫無閭以爲內

藩籬山後諸州自永寧四海治以西歷雲代重關

列戍以爲外藩籬苟得人守禦可保無外患惟昌

平以東遵化永平一帶往者有大寧都司興營義會等衛在山後爲外障其後移入內地京師東北藩籬單薄異時外患未必不出于此嘗觀元人進金史表曰勁卒擣居庸關北拊其背大軍出紫荆口南搃其吭此古今都燕者防患之明鑑也漢邊在北咸陽去朔方餘千里唐邊在西長安去吐蕃亦幾千里今京師北抵居庸東北抵古北口西南抵紫荆關近者百里遠者不過三百里所謂居庸則吾之背也紫荆則吾之吭也據關中者將以

揣中國之吭而拊其背都幽燕者切近北狄又恐其反揣我之吭而拊吾之背焉又曰漢唐宋皆並建兩京然漢唐皆以長安爲西京洛陽爲東京宋以汴爲東京洛爲西京其地皆接壤惟我朝跨江南北而各爲一大都會

高皇帝定鼎金陵天下萬世之大利也

文皇帝遷都金臺天下萬世之大勢也蓋天下賸賦出于東南而金陵爲其會戎馬盛于西北而金臺爲其樞並建兩京爲四方極用東南之財賦統西

北之戎馬無敵於天下矣

元泰定中虞集爲翰林直學士進言曰京師之東
瀕海數千里北極遼海南瀕青齊荏葦之場也海
潮日至淤爲沃壤請用浙人之法築隄捍水爲田
聽富民欲得官者令其衆分授以地官定其畔以
爲限能以萬夫耕者授以萬人之田爲萬夫之長
千夫百夫亦如之察其惰者而易之三年後視其
成以地之高下定額以次漸征之五年有積蓄命
以官就所儲給以祿十年不廢得以世襲如軍官

之法則東海民兵數萬可以近衛京師外禦島夷
遠寬東南海運以紓疲民丘文莊公曰集此策當
時不行及其末世海運不至謀國者思集言于是
有海口萬戶之設大畧宗之每年得數十萬石以
助國用亦已晚矣嘗聞爲海田者必築隄岸以攔
鹹水之入疏溝渠以導淡水之來今由白河以至
潞渚觀其入海之水最大之處無如直沽然其直
瀉入海灌溉不多請于將盡之地依禹貢逆河法
截斷河流橫開長河一帶收其流而分其水然後

予沮洳盡處築爲長隄隨處各爲水門以司啓閉
外以截鹹水俾其不得入內以洩淡水俾其不至
漫如此則田可成矣予凡有淡水入海所在皆依
此法行之則沿海數千里無非良田非獨民資其
利而官亦賴其用矣 元順帝時脫脫言京畿近
水地召募江南人耕種歲可收粟麥百餘萬石不
煩海運京師足食於是立分司農司西自西山南
自保定河間北抵檀順東及遷民鎮凡官地及原
管各屯田悉從分司農司立法佃種給鈔五百萬

錠以供工價牛具農器穀種之用又畧倣前學士
虞集議於江淮召募能種水田及脩築圍堰之人
各千人爲農師 王氏樵曰宋時自雄州東際于
海多積水戎人患之不敢由此路入寇順安軍至
北平二百里地平廣無阻隔每歲胡騎多由此入
議者謂宜度地形高下因水陸之便建阡陌濬溝
洫益樹五穀所以實邊廩而限戎馬蓋宋失燕薊
以內地爲邊故恃塘灤以設險亦因以溉田而積
穀今塘灤或不必要如宋時而所謂因水陸之便

建阡陌濬溝洫以興農而制虜者則歷世不刊之
長策也今京師西山稻田皆引泉以溉灌用江
南種法北方但地平廣有水泉可引處皆可種稻
周官設稻人掌稼下地蓋爲此